

Ben Jamin
schier gar ver-
tilget etc.

Non petunt victo-
riam / sed virtutibus
presumunt / et ius-
ticia sua consti-
dunt / ac animan-
tur malicia filio-
rum Ben Jamin.

Idhuc non pe-
tunt / Ideo neq3
promittitur vic-
toria.

ICH / spricht
Gott wils thun.
Bisher habt jr
wollen thun /
Aber es heist . Ich
nicht jr

Der HERR
schlug sie / nicht
Israel / Denn es
heist / Gloria in
excelsis Deo etc.

Der der von Israel (on die von Ben Jamin) wurden gezelet vier hundert tausent Man / die das Schwert fureten / vnd alle Streitbar Menner. Die machten sich auff / vnd zogen hin auff zum hause Gottes / vnd fragten Gott / vnd sprachen / Wer sol fur vns hin auff ziehen den Streit anzufahen mit den Kindern Ben Jamin? Der HERR sprach / Juda sol anfahen. Also machten sich die Kinder Israel des morgens auff vnd lagerten sich fur Gibeon. Vnd ein jeder man von Israel gieng er aus zu streitten mit Ben Jamin / vnd schickten sich zu streitten wider Gibeon. Da fielen die Kinder Ben Jamin er aus aus Gibeon / vnd schlugen des tags vnter Israel zwey vnd zwenzig tausent zu boden. 22000.

Aber das volck der Man von Israel ermannet sich / vnd rüsteten sich noch weiter zu streitten / am selben ort / da sie sich des vorigen tages gerüstet hatten. Vnd die Kinder Israel zogen hin auff vnd weineten fur dem HERRN bis an den abend / vnd fragten den HERRN / vnd sprachen / Sollen wir mehr nahen zu streitten mit den Kindern Ben Jamin / vnsern Brüdern? Der HERR sprach / Siehet hin auff zu jnen. Vnd da die Kinder Israel sich machten an die Kinder Ben Jamin des andern tages / fielen die Ben Jamin er aus aus Gibeon jnen entgegen des selben tages / vnd schlugen von den Kindern Israel noch achzehen tausent zu boden / die alle das Schwert fureten. 18000.

Da zogen alle Kinder Israel hin auff / vnd alles Volck / vnd kamen zum hause Gottes / vnd weineten / vnd blieben daselbs fur dem HERRN / vnd fasteten den tag bis zu abend / vnd opfferten Brandopffer vnd Danckopffer fur dem HERRN. Vnd die Kinder Israel fragten den HERRN (Es war aber daselbs die Lade des bunds Gottes zu der selbigen zeit / vnd Pinehas / der son Eleasar Aarons son / stund fur im zu der selbigen zeit) vnd sprachen / Sollen wir mehr ausziehen zu streitten mit den Kindern Ben Jamin vnsern Brüdern / Oder sol ich ablassen? Der HERR sprach / Siehet hinauff / Morgen wil ICH sie in ewre hende geben. Pinehas.

Vnd die Kinder Israel bestelleten einen Hinderhalt auff Gibeon vmb her vnd zogen also die Kinder Israel hinauff / des dritten tages an die Kinder Ben Jamin / vnd rüsteten sich an Gibeon / wie vor zwey mals. Da fiuren die Kinder Ben Jamin er aus / dem Volck entgegen / vnd rissen sich von der Stad / vnd fiengen an zu schlagen / vnd zuerwunden vom Volck / wie vor zwey mals im feld auff zwo strassen / der eine gen Beth El / die ander gen Gibeon gehet / bey dreissig man in Israel. Da gedachten die Kinder Ben Jamin / Sie sind geschlagen fur vns / wie vor hin. Aber die Kinder Israel sprachen / Last vns fliehen / das wir sie von der Stad reissen auff die strassen. bas.

Da machten sich auff alle man von Israel von irem ort / vnd rüsteten sich zu Baal Thamar. Vnd der Hinderhalt Israel brach erfur an seinem Ort / von der hôle Gaba / vnd kamen gegen Gibeon zehen tausent Man / auserlesen aus ganzem Israel / das der Streit hart ward / Sie wusten aber nicht / das sie das vnglück treffen würde. Also schlug der HERR Ben Jamin fur den Kindern Israel / das die Kinder Israel auff den tag verderbeten funff vnd zwenzig tausent / vnd hundert Man in Ben Jamin / die alle das Schwert fureten. Denn da die Kinder Ben Jamin sahen das sie geschlagen waren / Gaben jnen die menner Israel raum / Denn sie verliessen sich auff den Hinderhalt / den sie bey Gibeon bestellet hatten. Vnd der Hinderhalt eilet auch / vnd brach erfur zu Gibeon zu / vnd zog sich hin an vnd schlug die ganze Stad mit der scherffe des Schwerts.

So hatten aber eine Losung mit ein ander / die Menner von Israel vnd der Hinderhalt / mit dem Schwert vber sie zu fallen / wenn der rauch von der Stad sich erhöbe. Da nu die Menner von Israel sich wandten im Streit / vnd Ben Jamin anfieng zu schlagen / vnd verwundten in Israel bey dreissig Man / vnd gedachten / Sie sind fur vns geschlagen wie im vorigen Streit / Da fieng an sich